

15- وعلشان المحكمة حولت المحضر على الجنايات

حكمت المحكمة عالجعيدى بالحبس ثلاث سنوات

صرخ وقال مين يروح لبتوع الجوازات

يلعن أبوهم ويضربهم بأوسخ المداسات

ويتوصى ببتوع الهجرة والجنسية كمان وكمان

16- أما لوزة وجوزها لا همهم الشاكي ولا الباكي

غير فصلت فستانين وقالت للترزي حزنهم على وراكي

وبعتت لأختها تجيب بنتها أم التايير كاكى

قالت أجي أشتغل إيه؟ قالت يا دوب بس تت؟؟؟؟

نهايته بلاوى الناس فى بلادها وفضايحنا فى كل مكان



### عنبر عشرة 5

|                  |                  |
|------------------|------------------|
| يا عنبر يا عشرة  | ما فيش في السجون |
| مثلك يا عترة     | يا نبع الجنون    |
| السجون لما تبقي  | في ألفة ووفاق    |
| أتابعك وألقي     | عراك أو خناق     |
| جيرانك نهـارهم   | في نوم أو في صوم |
| وانتـه جـوارهم   | في كرب وهموم     |
| وناس ليلها صاحية | تصلي القيام      |

|                 |                  |
|-----------------|------------------|
| ووجدك في ناحية  | في دوشة وخصام    |
| وكلمة شقاوة     | شقي كالجميع      |
| وأما الغباوة    | غباءك فظيع       |
| ومن غير موالسة  | دا عيب في البلاد |
| علشان هي غارسة  | الغباء والفساد   |
| صناعي محامي     | مدير أو غفير     |
| مهندس حرام      | جميعا حمير       |
| يسموا شلاطة     | وشغطة وعاشور     |
| نقدشي وحناطة    | وبعرة وهاتور     |
| كذلك أسامي      | تخص البنات       |
| يقول لك يا مامي | وحاطط توكات      |
| وأبو سلسلة      | وأبو لنسيان      |
| ودي مهزلة       | بقالها زمان      |
| 8 فففي 3        | قول ب أربعين     |
| ويزعق حتاتة     | ويحالف يمين      |
| تقول له عماني   | واسمه قابوس      |
| يقول لك سوداني  | وحضر الباسوس     |
| يشوف الغوريانة  | يقول لك غزال     |
| وع الفول بسلة   | وع الروب شوال    |
| صاروخ البازوكا  | ييجي من البقاع   |
| يقول لك فلوكة   | ناقصها شرع       |
| وتنهق حمارة     | يكح إسماعيل      |

|                  |                 |
|------------------|-----------------|
| يقول لك دي غارة  | في وسط إسرائيل  |
| تكبرر دماغك      | وتقعّد بعيد     |
| تلاقى إلي جالك   | معاه عيد وزيد   |
| يدكوا الطبيعة    | يبكوا التاريخ   |
| يعكوا الشريعة    | في فن الطبيخ    |
| وواحد المصيبة    | تقول له الهرم   |
| يقول لك نسيبة    | بنياه وإتهدم    |
| تقول له خواجه    | إلي صنع القطار  |
| يرد بسذاجة       | ما كانش بخار    |
| تقول له أوروبى   | إلي صنع البارود |
| يقول لك مراكبى   | واسمه القاعود   |
| جدال خمسة ستة    | بدون إنقطاع     |
| يصيبك بسكّة      | يجيب لك صداع    |
| لا يسمع لا يسكت  | لا يرضى بكتاب   |
| ما لهوش إلا يحرت | يشيل التراب     |
| أحاول لوحدي      | با أتعب معاهم   |
| وما فيش جهد عندي | لأصفع قفاهم     |
| علشان المدارس    | وفي المكتبات    |
| يا شرب السبارس   | يا رغي ونكات    |
| وبعد الشهادة     | وبعد التعب      |
| بيقعد حمادة      | ومن غير سبب     |
| وزيه خليفة       | وهند ونوال      |

|                  |                 |
|------------------|-----------------|
| عشـان الوظيفة    | وصولها محـال    |
| يطقوا الدكاترة   | وتحزن نـدي      |
| عشـان المذاكرة   | إلي ضاعت سـدي   |
| دا غير إلي صايـع | و حال أهله حالة |
| عشـان أمله ضايـع | بسبب البطالة    |
| وما دام يا بلدنا | دماغك عقيم      |
| ها تطلع ولادنا   | بهيمة وبهيم     |
| ننهق نبرطع       | في بنها وأبـيس  |
| وإن جعنا نقطع    | لناكل سـريس     |

